

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
**Služba za vodoprivredu, putnu infrastrukturu
i mjesne zajednice**

Broj: 09-45-16874/25
Zenica, 15.08.2025. godine

GRADONAČELNIK
(putem Službe kabineta Gradonačelnika)

**Predmet: Prijedlog odluke o utvrđivanju naknade u vezi sa radom i angažmanom u
savjetima mjesnih zajednica Grada Zenica za 2025.godinu**

Poštovani,

Dostavljamo na uvid i dalje postupanje Prijedlog odluke o utvrđivanju naknade u vezi sa radom i angažmanom u savjetima mjesnih zajednica Grada Zenica za 2025.godinu

Budžetom Grada Zenica za 2025.godinu za naknadu troškova rada predstavnika mjesnih zajednica predviđena su sredstva u iznosu od 110.000,00 KM.

Imajući navedeno, pristupilo se izradi posebne odluke o utvrđivanju naknade za 2025.godinu, a u skladu sa raspoloživim budžetskim sredstvima za tu namjenu.

S poštovanjem

Pripremio: Ž. Rešid
Hadžić Rešid, šef Odsjeka za poslove MZ



DOSTAVLJENO:

1x Naslovu
1x a/a

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09), člana 80. stav (2) i člana 116. Statuta Grada Zenica („Službene novine Grada Zenica“, broj 5/15) i člana 37. Poslovnika Gradskog vijeća („Službene novine Grada Zenica“, broj 4/17, 6/19, 4/20 i 10/21), Gradsko vijeće Zenica, na _____sjednici održanoj dana _____donijelo je

ODLUKU

o utvrđivanju naknade u vezi sa radom i angažmanom u savjetima mjesnih zajednica Grada Zenica za 2025.godinu

Član 1.

- (1) Ovom Odlukom utvrđuje se iznos i način isplate naknade za rad i angažman predsjednika i članova savjeta mjesnih zajednica Grada Zenica za 2025. godinu.
- (2) Pravo na naknadu za rad i angažman pripada i povjerenicima mjesnih zajednica koji su imenovani rješenjem Gradonačelnika.

Član 2.

Sredstva za isplatu naknade za rad i angažman predsjednika, povjerenika i članova savjeta mjesnih zajednica obezbjeđena su Budžetom Grada Zenica za 2025. godinu u iznosu od 110.000,00 KM (slovima: stotinudesethiljadakonvetribilnih maraka).

Član 3.

- (1) U skladu sa raspoloživim budžetskim sredstvima iznos naknade za rad i angažman za 2025. godinu raspoređuje se kako slijedi:
- predsjednik i članovi savjeta mjesne zajednice 1518,00 KM ukupan neto iznos
 - povjerenik mjesne zajednice 759,00 KM ukupan neto iznos.
- (2) Isplata naknade iz prethodnog stava ovog člana izvršit će se jednokratno najkasnije do 31.12.2025. godine.

Član 4.

- (1) Pojedinačni iznosi naknade predsjednika i članova savjeta mjesne zajednice utvrđuju se odlukom savjeta mjesne zajednice, na način da predsjedniku, odnosno povjereniku pripada naknada u ukupnom neto iznosu od 759,00 KM, a preostali dio iz člana 3. stav (1) alineja prva se dijeli ostalim članovima savjeta mjesne zajednice.
- (2) Odluku iz prethodnog stava ovog člana predsjednik savjeta mjesne zajednice dužan je dostaviti gradskoj službi nadležnoj za poslove mjesnih zajednica u roku od 30 (trideset) dana od dana stupanja na snagu ove Odluke.
- (3) Ukoliko se u toku obračunskog perioda imenuje novi član savjeta, odnosno povjerenik mjesne zajednice obračun i isplata naknade iz člana 3. ove Odluke razrješenom i imenovanom povjereniku izvršit će se srazmjerno vremenu provedenom na toj funkciji.

Član 5.

- (1) U skladu sa ovom Odlukom i odlukama savjeta mjesnih zajednica, gradska služba nadležna za poslove mjesnih zajednica će sačiniti prijedlog akta o iznosima i načinu isplate pojedinačnih naknada za 2025.godinu.
- (2) Akt o iznosima i načinu isplate pojedinačnih naknada donosi Gradonačelnik.

Član 6.

Ova Odluka stupa na snagu narednog dana od dana donošenja i ista će se objaviti u "Službenim novinama Grada Zenica".

Broj:01-45_____/25
Zenica,____ 2025. godine

PREDSJEDAVAJUĆA
GRADSKOG VIJEĆA

Snježana Vrhovac

DOSTAVLJENO:

- 1 x Gradonačelnik
- 1 x Služba za vodoprivredu, putnu infrastrukturu i mjesne zajednice
- 1 x Stručna služba Gradskog vijeća
- 1 x Službene novine Grada Zenica
- 1 x a/a

O b r a z l o ž e n j e

I PRAVNI OSNOV

Pravni osnov za donošenje ove Odluke sadržan je u odredbama člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, kojom je utvrđena nadležnost gradskog vijeća i člana 80. Statuta Grada Zenica („Službene novine Grada Zenica“, broj 15/15) kojom je propisano da predsjednik i članovi savjeta mjesne zajednice imaju pravo na naknadu troškova u vezi sa radom i angažmanom u savjetu što se utvrđuje odlukom Gradskog vijeća.

Član 116. Statuta Grada Zenica i član 37. Poslovnika Gradskog vijeća („Službene novine Grada Zenica“, bro: 4/17, 6/19, 4/20 i 10/21), utvrđuje nadležnost Gradskog vijeća za donošenje odluka.

II RAZLOZI ZA DONOŠENJE ODLUKE

Statutom Grada Zenica kao organi mjesne zajednice utvrđeni su savjet mjesne zajednice i predsjednik mjesne zajednice (po funkciji predsjednik savjeta mjesne zajednice) kao i da predsjednik i članovi savjeta mjesne zajednice imaju pravo na naknadu troškova u vezi sa radom i angažmanom u savjetu.

Budžetom Grada Zenica za 2025.godinu za naknadu troškova rada predstavnika mjesnih zajednica predviđena su sredstva u iznosu od 110.000,00 KM.

Imajući navedeno, pristupilo se izradi posebne odluke o utvrđivanju naknade za 2025.godinu, a u skladu sa raspoloživim budžetskim sredstvima za tu namjenu.

III PREDLOŽENA RJEŠENJA

Članom 1. Odluke propisan je sadržaj i utvrđeno da pravo na naknadu i povjerenika mjesnih zajednica koji su imenovani aktom Gradonačelnika.

Članom 2. utvrđen je iznos sredstava koji je Budžetom Grada Zenica za 2025.godinu oprijedjeljen za ovu namjenu.

Članom 3. utvrđen je ukupan neto iznos naknade za predsjednika i članove savjeta mjesne zajednice i za povjerenika za 2025.godinu.

Članom 4. utvrđena je nadležnost savjeta mjesne zajednice da svojim aktom izvrši raspodjelu utvrđene visine naknade između predsjednika i članova , kao i obaveza dostavljanja tog akta gradskoj službi nadležnoj za poslove mjesnih zajednica.

Članom 5. propisan je postupak i nadležnost donošenja konačnog akta o isplati naknada za rad i angažman za 2025.godinu.

Članom 6. utvrđeno je stupanje na snagu Odluke prvog dana od dana objavljivanja u Službenim novinama Grada Zenica.

IV FINANSIJSKA SREDSTVA

Za provođenje ove Odluke planirana su sredstva u Budžetu Grada Zenica za 2025.godinu na organizacionom kodu 61010001-Služba za vodoprivredu, putnu infrastrukturu i mjesne zajednice, ekonomski kod 613900, budžetska pozicija 260 - Naknada za rad predstavnika MZ

IV Pojašnjenje skraćenog postupka

Imajući u vidu da predmetni prijedlog odluke nije obimne i složene pravne regulacije isti se dostavlja na razmatranje po skraćenom postupku, u skladu sa odredbama člana 69. stav (1) Poslovnika Gradskog vijeća.



GRADONAČELNIK
Fuad Kasumović